

《中國地方藝文薈萃》總委會 誌

上海遠東出版社

中國地方藝文薈萃

中國地方藝文薈萃  
第一輯 歌

中南卷·第一輯  
玖

中國地方藝文薈萃

《中國地方藝文薈萃》編委會 編

常州师范学院内部使用



湖南女士詩鈔所見初集十二卷（二）

貴州师范学院内部使用

湖南女士詩鈔所見初集十二卷（二）

（清）毛國姬編

據清道光十四年（一八三四）刻本影印

湖南女士詩鈔所見初集目錄

第二卷

石氏

陳學鍾

李源

秦邦淑

宋盛慎

劉元瑞

江峯青

郭步蘊

榮氏

蔣氏

朱梅秀

湖南女士詩鈔所見初集卷第二

鄞縣沈栗仲先生闕

長沙毛國姬素蘭女史編

同懷弟國翰青垣全叅校

石氏號慈石老人湘潭人世超女汾州府知府張力行

母以節孝著詩授才雋逸釀理宏富高寄元淡以啓扇

鏞故跌宕之音具見抗爽今存詩七首

按力行字願堂子經川乾隆辛

丑進士官至貴西道愨出乾隆壬子舉人慧出嘉慶辛酉舉人

七十生辰作并序

余就養四兒力行官舍四載於茲今七十生朝力行舊萃所乞壽言歌以侑觴老婦何幸得為夫人

先生齒錄顧其辭類多侈頌愧不敢當長觸余懷  
若有不能自己於言者仿杜少陵寓同谷縣詩體  
作歌七首第七句卽用其語少陵以飄流鳴感余  
亦數十年備嘗荼蘼之境辭不相襲遇若近之吾  
子孫能喻此意庶幾知所勉焉

憶昔憶昔初作婦鬢髮白髮娛大母舅扶鳩杖晨上堂捧  
羹小步君姑後秋風獵獵動地來護凋椿碎養何有嗚呼

一歌兮歌已哀孝子有後栽者培

自注鄉人稱先  
舅爲張孝子

夫子夫子天下才興酣搖筆驅風雷江東米價了不知摩  
挲羹鼎顏爲開文章獨憎杜甫命生死惟託劉伶杯嗚呼

二歌兮歌始放燕棲風月秋自爽

自注燕棲先夫子書室名

秋茶秋茶味孰知晨餐夕陷甘如飴黃泉碧落擬相逐畱  
意哀此諸孤癡良人遺憾目未瞑遺巢欲墮須撐支嗚呼  
三歌兮歌三發容易成家力早竭

昊天昊天生我劬母氏教績父授書女子有行安得養樓  
頭凝淚瞻親廬顯揚憾非巾幗事無瑕誓守白璧軀嗚呼  
四歌兮歌四奏保身敢忝門楣舊

有妹有妹矢從一女而不婦老於室青燈紅淚五十年博  
得烏頭耿皎日螺贏負子教誨勞他年九地心堪質嗚呼  
五歌兮歌正長相思不見天茫茫

自注妹幼字會氏所事者不幸而天妹年才十

九不再適力請於母氏素服哭奠曾氏子之墓歸扁一  
室勵志守貞母憐之予田數畝以給其養今妹年六十餘  
矣方得嗣子相伊朝夕悲夫嚮子就養力行官舍  
欲邀妹不果行白首天涯每一念及輒爲泣下也

我來就養愁轉劇鞭扑聲中簿書積循良肆應良復讎

聖主深仁在保赤官名父母須慈祥家有子孫要蕃碩嗚

呼六歌兮歌思遲筵前肴酒民膏脂

予季執掌閩海邊諸孫較藝畱湘川人生何必麋鹿聚所

求無忝神其先我家祖德方縣縣我今老健天所憐嗚呼

七歌兮悄終曲蟾窟風香落金粟

秦邦淑寧鄉人雍正己酉舉人龍門知縣安鎬女同邑

癸酉拔貢歷官天津府知府黃立隆室有雲驥山莊遺

草沉鬱蒼涼音節自古然所傳僅矣其他詩概不著集

中今存詩十首

按安鎬字抑之立隆字定之雲驥山莊遺草定之於乾隆甲申任河間司馬時

梓而行之

隨宦十載追憶平昔甘苦備經悲歡異轍感遇言懷

### 成七律十章

鏡裏華年一夢看興懷往事半艱難早從護閣悲無恃日

倚霜闌淚不乾

自注九歲失恃

白馬灘喧秋轉劇

自注家莊臨白馬灘

碧梧

軒靜夜逾寒

自注軒為母寢室

繡餘無限思親意愁對銀缸照影

單

陟岵遙看萬里槎瓊林早歲託兼葭

自注時父赴選北行遂託養於舅姑

未

爛內則親供饌且學西陵事績麻顧復全依姑作母叮嚀  
先誠婦宜家蛾眉不鬥深閨月對挽還慚舊鹿車

趨庭女誠授緇帷早詠風人淑慎詩自謁廟中成禮後敢  
忘閫內食貧時釵荆裙布期無忝壁樹瓊枝相有儀舉案  
從茲盟白首雞鳴交警未知疲

笑靨欣從半沼開筆花吹豔到妝臺聲華早擅屠龍技詞  
賦還推倚馬才芸閣香凝千卷笥繡帷春泛白花杯瑟琴  
在御懷音好時見雙飛乳燕來

弱冠青錢選在公

自注夫年二十以選貢宰燕平

天邊捧檄盼飛鴻文章

已許徐劉敵政事應爭卓魯雄封鮒懷思燕塞北憑魚問

詆楚江東夢尋遊子牽衣日帆出瀟湘一葉風自注夫迎姑就養余

來奉以

正值萊衣春色鮮護花頓委滄河邊自注姑沒於武邑署啼鵲血漬

湘江水化鶴魂招薊樹煙鐘鼎推牛徒祭墓衰麻策蹇趁

歸鞭自傷薄命惟予最不及重泉奉二天自注姑與母皆中年棄世

粵嶠燕臺兩地歸欣然重得侍庭幃自注隨夫扶姑櫬歸里時父任龍門亦以

病乞正愁簿領催垂白得向邱園見息機松菊徑荒樓縞

鶴關河驛報泣麻衣自注中途得父訃音墓門載酒悲風木悵望寒

雲隴上飛

旅服重經九月霜驪歌復唱別山莊自注丁酉服闋隨夫北上旗亭垂

柳當年憶官道黃花幾度香故國秋深歌陟岵寒江歲暮

泊征航自注舅在院孫枝連理含飴弄遙望邱原黯自傷

自注舅置雙生兒膝上曰恨汝姑不及見也因泣下

大陸驂停宓子琴開軒時聽泛清音訟庭羅雀談秋水冰

暑焚香沁素心宦况偶閒兼課子自注夫子題補鉅鹿地僻民淳幾於臥理俸

錢雖薄免售參時時報到江南雁安不忘危守乃箴自注勇自

江左嘗寄書勵夫

花滿瀛州赤縣春自注河南古稱瀛州羽書絡繹屬通津自注癸未春奉文調

繁民生國計資長策馬足車塵寄此身自注邑當孔道不似鉅鹿安閒聚

散頻年人易老往來千里夢難真故園未卜重歸日好勗

清操贊蓋臣

宋盛慎字德崧號補園癯老寧鄉人廣東德慶州知州  
賓逢女同邑太學生胡本泰室著有萊斐園詩草氣韻  
流美馳轍貞塗正始之規也其神禹碑議論深穩明識  
卓越矣年七十餘卒今存詩十五首

按賓逢字七峯乾隆戊午副榜本泰

字劬士

### 神禹碑

响嶮峯峨峨萬仞出雲霧禹碑在其巔攀陟疑無路千古  
篆文垂八年心迹著山徑積苔蘚埋沒匪朝暮不有樵者  
知空對蒼蒼樹憶昔隨刊初昏墊民無措四載履艱阻豈

無神天助石赤字復青風雨長呵護我讀今文書伏女傳  
無誤我驚此碑文先後爭釋註已非蝌蚪書况殊典謨句  
如何元主錫別有奇文附明德懷終古下拜心悚懼

赤壁懷古

當年分鼎此江干石壁猶餘夕照殘赤帝不緣延漢祚東  
風何事走曹瞞一時橫壘雄心在千里連檣戰勢蟠自試  
洞簫留鶴夢灘前明月靜中看

春耕

近市仍鄉習門旁十畝田築隄增舊址鑿澗導新泉種浸  
金釵糯犁催鐵角犍幸無塵事累學稼北城邊